



In dumënia ai 17 de Aurí éi gnü sughé la 5° partida dl ritorno dl campionat 2010/2011 de 3° categoria por La Val. La partida é gnüda sugada cuntra la squadra da Mühlwald (che La val cunësc bel da plü agn) in óiasa. La partida é jüda fora 1 a 1. An po dí che al é sté na fotocopia dla partida cuntra Percha.

Sciöche bel cuntra le Percha, La Val á dominé la partida. Mo sön deplü ocasions ne éssi nia sta bugn da stlüt jö la partida, suradüt tl secundo tēmp, l'unico tiro di avversars al 94° porta le Mühlwald sön le 1 a 1. Sciöche bel cunescü dai ultims averersars dl Gossensass, Mühlwald á sughé bel avisa insciö, ma cun lanci luné di defensurs.

La Val á metü man bun la partida, cun convinziun y cun le pal bas. La prüma oportunité ti gareta a Alex Elenzenbaumer, mo so bel tiro de prüma röia püch dlungia le palo ia. Le prüm gol ti gareta a Daniel Frenes. Na bela combinaziun tra Micky y Freddy, porta Micky sön le fondo, ulache al é spo bun da fa en bel cross ite a mez. En bel colp de testa de Daniel, che röia naota ados al defensur y spo la deviazion röia te porta. La Val se porta insciö in vantaje. En per de beles combinaziuns porta spo deplü iadi i atacané da La Val te na bela posiziun, mo gonot le arbiter fischia le fuorigioco. Sön certes aziuns al albü dert mo ince gonot sbaglié. En per de bi crosc de Castlunger Marco röia ince ite a mez, mo degügn di sogadusc da La Val é tl dert post al dert mumënt. Sottara Werner éss ince fat präsc le 2 a 0, al fesc dribbeln deplü defensurs, mo al mumënt dl tiro vëgnel mazzé jö dan area, la poniziun de Frenes Michael röia te bariera. Le Mühlwald á ma üna na oportunité sön en bel contropiede, mo Merch é bun da devié le pal te angolo, sön en bel tiro bas y angolé. Le prüm tēmp se stlusc jö sön le 1 a 0 por La Val.

La Val sá che al öga ciámò en gol por stlùje jö definitivamënter la partida. Tl secundo tēmp é La Val plü convinti, de beles aziuns vëgnel fora. L'arbiter ne vëiga nia na mano netta te area, che blochëia en bel tiro, che foss zigü jü ite. Püch dedo él Alex Elzenbaumer che fesc dribbeln en defensur te area, al vëgn mazé jö, ince chësc iade ne ti vëgnel nia dè le rigore. Franzi Verginer á ince la poscibilité dui iadi da fa le 2 a 0. Le prüm iade fejel dribbeln te area dui defensurs, mo le bel tiro rōia bel avisa tles mans al portier. Le secundo iadi él Elzenbaumer Alex che é bun da ti tó le pal al portier, che é gnü fora dl area, spo til pasel ite a Franzi y Franzi ne é nia bun da atuché la porta.

Püch dedo vëiga le centrale de Mühlwald la cōcena. Frenes Daniel vá ia a un en defensur in velocitè, le centrale vëgn fora y fesc na burta entrata sön les giames de Daniel, cōcena direta. En sogadü te banchina dl Mühlwald vëiga ince la cōcena. Sön deplü aziuns rōia La Val dan area, mo al mancia che "fredezza" dla conclujun.

Sciöche al suzed gonot tl calcio, sce an ne fesc nia ite les oportunités che an á, se ciafun le goal. Al 94° ti vëgnel scinché na poniziun al Mühlwald al limite. Le gran y bel tiro rōia de potēza tl incrocio, chësc é le 1 a 1. La partida se stlūsc sön le pareggio. Cun chisc dui puné lasciá sön trú se porta La val al 5° post te tlassifica.

La formaziun titolara dla partida:



In cürt óiamò les sostituziuns dla partida:

al 70° Nagler Max por Verginer Franzì

Al 80° Valentin Elmar por Elzenbaumer Alex

Por ciaré ala tlassifica y i resultač dles artres partidas clicca. [Resultač y tlassifica](#)